



City of Boston
Mayor Michelle Wu
Mayor's Office for Immigrant Advancement

Pa Divulgason Imediatu:

Kontatu: Mayor's Office for Immigrant Advancement
(Gabineti di Kamara pa Avansu di Imigrantis)
Jestor di Komunikason: Pai En Yu - pa [paaien.yu@boston.gov](mailto:paien.yu@boston.gov)

**MAYOR WU Y GABINETI DI KAMARA PA AVANSU DI IMIGRANTIS
STA ENTREGA MINI-SUBSÍDIUS WE ARE BOSTON
PA 20 ORGANIZASONS KI TA SIRBI IMIGRANTIS**

*\$160,000 konsededu pa organizasons sen fin lukrativu
pa apoia komunidadis di imigrantis*

BOSTON – Pa apoia nessessidadis di nos rezidentis imigrantis, Prezidenti di Kamara Michelle Wu y Gabineti di Kamara pa Avansu di Imigrantis (Mayor's Office for Immigrant Advancement -MOIA) sta distribui \$160,000 dola di mini-subsidius pa 20 organizasons sen fin lukrativu ki ta presta servissus pa imigrantis. Kes mini-subsidius ta ser finansiadu pa patrossinius di enprezas pa [We Are Boston](#), un serimónia anual pa presta omenajen pa kontribuisons di imigrantis na nos Sidadi.

“Un tersu di rezidentis di Boston é imigrantis,” palavras di Prezidenti di Kamara Wu. “Saúdi y ben-estar di nos komunidadis di imigrantis é issensial pa rekuperason di nos sidadi y komunidadis munissipal. Ku kes investmentus ki nu sta faze gossi, nu sta kria bazi pa mudansa na jerason.”

“Nu ta trabadja nun kolaborason di pertu ku organizasons sen fin lukrativu ki ta presta servissus pa imigrantis, y es flanu kuzé ki ses komunidadis sta meste nes momentu,” palavras di Yusufi Vali, Direktor di Mayor's Office for Immigrant Advancement. “Sima nu sta rekupera des pandemia, nu debe aproveita kel momentu li pa, di forma inovador, nu identifika disparidadis y fitxa kes fossus ki ta izisti.”

Kada un di kes 20 organizasons sen fin lukrativu ta ressebe \$8,000 dola pa apoia operassional y kriason di kapassidadi pa presta servissus pa imigrantis afetadu pa pandemia di COVID-19. Kes fundus ta ser uzadu pa un grandi variadadi di servissus



City of Boston
Mayor Michelle Wu
Mayor's Office for Immigrant Advancement

ki ta inklui ajuda ku nessessidadis bázikus, apoiu ku saúdi mental, dezenvolvimentu infantil y juvenil, servissus jurídkus y igualdadi dijital.

Kes organizasons li foi selessionadu pa ressebe mini-subsídus es anu:

Afrimerican Culture Initiative Inc.: Pa apoiu operassional y kriason di kapassidadi pa programas kultural y di nutrison pa kanpanha di informason sobri COVID-19 txomadú 'Stay Informed'

Asian American Civic Association: Pa krexí di kriansas pa famílias ki ka ta kualifika pa *childcare vouchers* (senhas pa krexí di mininu)

Asian American Resource Workshop: Ajuda kontinuadu ku artigus di alimentason y taxas jurídkus pa famílias di imigrantis

Association of Haitian Women, Inc. (AFAB): Treinu teknulójiku pa mudjeris y familias Haitianus ki ta mora na Dorchester, Hyde Park y Mattapan pa kaba ku divizion dijital na komunidadis Haitianus di rendimentu baxu.

CAIR-Massachusetts: Advogadus di imigrason pa famílias mussulmanu ki meste ajuda ku petison pa azilu y prossessu di deportason

Center for Cooperative Development and Solidarity-CCDS: Grupus di konsiensilizason y treinu di informason sobri trauma pa mudjeris imigrantis di rendimentu baxu na East Boston

Dudley Neighbors Incorporated: *Vouchers* (senhas) Senhas (*vouchers*) pa rezidentis imigrantis y propietáriu di kazar ki ta faze parti di *Community Land Trust* pa renda di kaza, servissus di utilidadi públiku y otus nessessidadis bázikus

East Boston Community Council: Ekipamentu, assessu y treinu teknulójiku pa jovens y familias imigrantis pa *Digital Inclusion Program* (programa di inkluzon dijital)

El Centro - Catholic Charities: Dinheru pa djuda familias ku nessessidadi urjenti ku renda di kurtu prazu y otus nessessidadis bázikus



City of Boston
Mayor Michelle Wu
Mayor's Office for Immigrant Advancement

Family Nurturing Center for Massachusetts: Aulas di edukason familiar y eventus tradisional aziátiku pa torna famílias Vietnamitas na Dorchester mas involvidu sivilmenti na komunidadis AAPI (Merkanus Aziátikus/ Iliéu Passifiku)

Gardner Pilot Academy Foundation Inc.: Ajuda ku komida, servissus di utilidadi públiku y otus nessessidadis básikus pa familias imigrantis na Allston/Brighton

Gilbert Albert Community Center Inc.: Bolsas di studu aulas di ESOL (ingles pa pessoas ki ta papia otu *língua*) y ajuda ku kontas atrazadu

Haitian Health Institute: Atividadis semanal pa famílias Haitianus ki ten kriansas ku inkapassidadis di dezentovimentu na Mattapan dentu di projetu *Haitian Family Support*

La Alianza Hispana Inc.: Ajuda ku nessessidadis básikus, aulas di informason pa pais, y apoiu personalizadu pa familias Latinus di rendimentu baxu ku kriansas desdi prenatal ti pré-primária (*kindergarten*).

Lawyers for Civil Rights: Ajuda juridiku pa defeza ku prossesu di deportason, prevenson di despeju di kaza (*eviction*) y stabilitadi di abitason pa familias imigrantis na East Boston y Mattapan dentu di trabadju di ajuda ku COVID-19

Love Your Menses Inc.: Ajuda ku kuidadus pos-partu y emosional pa mães imigrantis

Neighbors United for a Better East Boston (NUBE): Spassus di saúdi y ben-estar, ku ajuda di líderes komunitáriu, pa imigrantis di rendimentu baxu.

Soccer Without Borders Boston: Kria un liga di futsal di salon na East Boston pa ensina inglês y orienta juventudi imigranti

Veronica Robles Cultural Center: Eleva identidadi kultural di imigrantis di komunidadis Latinx na East Boston

Voice of Tabernacle Multi-Service Center: Ajuda pa restablessimentu di jovens di Haiti ki ta mora na rua o sta fika sen kaza na Dorchester y Mattapan



City of Boston
Mayor Michelle Wu
Mayor's Office for Immigrant Advancement

Kes mini-subsídius foi kriadu atraves di kontribuisons jenerozus di patrossinadoris di *We Are Boston 2020*, ki ta inklui *State Street Corporation*, *Arbella Insurance Foundation*, *Harvard Pilgrim Healthcare* y *Eastern Bank Foundation*.

[*We Are Boston 2022: From Dreams to Action*](#) (di sonhus pa rialidadi konketu) ta rializa na dia 3 di Fevereru di 2022. Duranti serimónia, nu ta rekonhesse omenajiadus komunitarius y mostra modi ki governu, enprezas y organizasons sen fin lukrativu pode trabadja djuntu pa apoia luta pa igualdadi. Nes momentu nu sta monitora situason di COVID-19 pa determina si es eventu ta ser prezensial o virtual. Menbrus di mídia interessadu na partissipa, pode manda un email pa paien.yu@boston.gov.

Sobri Gabeti di Kamara pa Avansu di Imigrantis

Gabeti di Kamara pa Avansu di Imigrantis (The Mayor's Office for Immigrant Advancement - MOIA) ta trabadja pa fortalise kapasidadi di imigrantis pa partisipa di forma plénu y igual na vida ekonómiku, síviku, sosial y kultural na Boston. MOIA tanbe ta promove rekonhesiméntu y konprenson públiku di kontribuison di imigrantis pa Sidadi di Boston. Pa mas informason, vizita boston.gov/immigrants.

###